

## CONSELLERÍA DE EDUCACIÓN E ORDENACIÓN UNIVERSITARIA

*Orde do 5 de marzo de 2007 pola que se convocan licenzas por estudos para o curso 2007-2008 destinadas a funcionarios docentes non universitarios e se aproban as súas bases de concesión.*

A Lei orgánica 2/2006, do 3 de maio, de Educación, dedica o seu título III a salientar o protagonismo que debe adquirir o profesorado, cunha atención prioritaria á súa formación inicial e permanente, cuxa reforma debe levarse a cabo nos próximos anos, no contexto do novo espazo europeo de educación superior e co fin de dar resposta ás necesidades e ás novas demandas que recibe o sistema educativo. Ademais, aborda a mellora das condicións en que o profesorado realiza o seu traballo, así como o recoñecemento, apoio e valoración social da función docente.

Nesta liña, o artigo 102 determina que a formación permanente constitúe un dereito e unha obriga de todo o profesorado e unha responsabilidade das administracións educativas e dos propios centros, coa finalidade, entre outras, de contemplar a adecuación dos coñecementos e métodos á evolución das ciencias e das didácticas específicas. E, por outra parte, o artigo 105, de medidas para o profesorado de centros públicos, dispón na alínea 2.d), que a Administración educativa disporá o desenvolvemento de licenzas retribuídas, de acordo coas condicións e requisitos que establezan, coa finalidade de estimular a realización de actividades de formación e de investigación e innovación educativas que revertan en beneficio directo do propio sistema educativo.

Nalgúns casos a formación programada a través de actividades curtas e puntuais para o profesorado non parece suficiente, por iso se considera conveniente ofertar esta modalidade formativa de máis longa duración para favorecer que o profesorado refórce, complete ou actualice a súa formación inicial ampliando a formación na súa especialidade, potenciando a súa formación nas linguas estranxeiras no exterior, realizando proxectos de investigación, elaborando materiais didácticos e mesmo acadando unha nova titulación, especialmente naqueles casos nos que é exixida pola normativa vixente.

Por todo o exposto, a Consellería de Educación e Ordenación Universitaria

### DISPÓN:

Artigo 1º.-Obxecto.

1. Convócanse licenzas por estudos retribuídas para o curso 2007-2008 dirixidas a funcionarios docentes de carreira que pertencen aos corpos detallados no artigo 2º, destinados actualmente e durante o próximo curso 2007-2008 en centros docentes, en equipos de orientación específicos, en centros de formación e recursos, nos servizos centrais da Consellería de Educación e Ordenación Universitaria e nos servizos provinciais de Inspección educativa, dependentes da Comunidade Autónoma de Galicia, segundo as condicións e a distribución por corpos e modalidades que se establecen e relacionan no anexo I desta orde.

2. Convócanse, así mesmo, licenzas sen retribución para os devanditos funcionarios que poderán ser concedidas por períodos de seis ou de doce meses ininterrompidos cada tres anos sempre que non o impidan as necesidades do servizo. Así, outorgaranse todas as licenzas sen retribución económica aos aspirantes que cumpran os requisitos xerais establecidos nesta convocatoria agás os sinalados nos puntos 6, 7 e 8 do artigo 3º.

Artigo 2º.-Candidatos.

Os corpos a que se refiren os artigos precedentes son os que se detallan a seguir:

- a) Mestres.
- b) Profesores de ensino secundario.
- c) Catedráticos de ensino secundario.
- d) Profesores técnicos de formación profesional.
- e) Mestres de taller de artes plásticas e deseño.
- f) Profesores de artes plásticas e deseño.
- g) Catedráticos de artes plásticas e deseño.
- h) Catedráticos de música e artes escénicas.
- i) Profesores de música e artes escénicas.
- j) Profesores de escolas oficiais de idiomas.
- k) Catedráticos de escolas oficiais de idiomas.
- l) Corpos e escalas docentes declaradas a extinguir.
- m) Inspectores de educación e inspectores ao servizo da Administración educativa.

Artigo 3º.-Condicións.

Os candidatos das licenzas deberán reunir os seguintes requisitos agás as excepcións do artigo 1º, número 2:

1. Estar en situación de servizo activo e prestando servizos ininterrompidos durante os cursos 2005-2006 e 2006-2007, e no 2007-2008 seguir tendo destino en centros dependentes da Consellería de Educación e Ordenación Universitaria ou nos servizos provinciais de Inspección educativa.

2. Ter, como mínimo, tres anos de antigüidade como funcionario de carreira nos corpos e escalas que se detallan no artigo 2º desta orde. Para estes efectos computaranse os servizos ata o 31 de agosto de 2007.

3. Acreditar a posesión do título de perfeccionamento de lingua galega ou certificación equivalente, agás para os docentes que imparten lingua galega.

4. Non estar destinado en comisión de servizos durante o curso académico para o cal se solicita a licenza. Para tales efectos será de aplicación o disposto no artigo 11º.4 desta convocatoria.

5. Non estar destinado en adscrición temporal no exterior durante o curso 2006-2007 nin durante o período para o cal se solicita a licenza.

6. Obter como mínimo catro puntos no epígrafe 1.1 do baremo que figura no anexo III a esta convocatoria.

7. Non ter gozado de licenza por estudos retribuída outorgada pola Consellería de Educación e Ordenación Universitaria durante os oito últimos cursos acadé-

micos. Para estes efectos computarase o presente curso 2006-2007.

8. O gozo dunha licenza por estudos é incompatible con programas europeos, estádías formativas en empresas e actividades formativas no estranxeiro ofertadas á marxe desta convocatoria; polo que, se unha persoa solicitante obtén praza en calquera destas convocatorias, deberá notificalo con carácter de urxencia e por escrito á directora xeral de Ordenación e Innovación Educativa.

#### Artigo 4º.-Solicitudes e documentación.

Todos os candidatos ás licenzas por estudos que se convocan deberán presentar a súa solicitude utilizando o modelo do anexo II e seguindo o procedemento establecido no artigo 5º.

No caso das licenzas non retribuídas presentarase unicamente a solicitude aludida, con indicación do período solicitado, e a acreditación de estar en posesión do título de perfeccionamento de lingua galega ou certificación equivalente.

Para as persoas solicitantes das licenzas retribuídas, á solicitude xuntaráse a seguinte documentación:

-Para as modalidades 1, 2, 3, 4, 5 e 7: acreditación dos méritos académicos, profesionais ou de calquera índole que se considere conveniente alegar. Estes serán xustificados mediante os documentos que se especifican no anexo III desta orde.

-Para todas as modalidades: proxecto de tese, de estudos, de traballo de investigación ou de elaboración de materiais ou das actividades a realizar para o perfeccionamento de linguas que se pretenda realizar durante o período da licenza, segundo o contido do anexo IV.

#### Artigo 5º.-Documentación e prazo de presentación.

As solicitudes, xunto coa documentación expresada anteriormente, deberán presentarse no prazo dun mes, contado a partir do día seguinte ao da data de publicación desta orde no *Diario Oficial de Galicia*, a través do rexistro xeral da Consellería de Educación e Ordenación Universitaria, das súas delegacións provinciais ou mediante calquera dos procedementos establecidos no artigo 38.4º da Lei 30/1992, de réxime xurídico das administracións públicas e do procedemento administrativo común, sendo imprescindible que na instancia apareza a data de recepción no organismo público correspondente. Se o expediente é remitido por correo, é necesario que se presente en sobre aberto para que sexa datado e selado polo funcionario de correos antes de que se proceda á súa certificación. Todas as persoas participantes deberán presentar relación numerada e asinada da documentación entregada, seguindo a orde que aparece indicado anexo III. Non serán tidos en conta nin valorados os méritos e servizos alegados e non xustificados debidamente, nin os que aleguen fóra do prazo ao que se refire este artigo.

Artigo 6º.-Valoración profesional da Inspección educativa.

O Servizo de Inspección de Educación da delegación provincial correspondente emitirá, logo da solicitude realizada pola presidencia da comisión, un informe segundo o modelo que aparece como anexo V a esta orde. No caso de inspectores de educación e inspec-

tores ao servizo da Administración educativa, o informe expedirao a Subdirección Xeral de Inspección, Avaliación e Calidade do Sistema Educativo, segundo o anexo VI desta orde.

#### Artigo 7º.-Tramitación.

1. Os órganos encargados de elaborar os informes a que se refire o artigo 6º deberán remitilos á presidencia da comisión seleccionadora dentro dos dez días naturais seguintes ao da recepción da súa solicitude.

2. O informe dos profesores e profesoras solicitantes que estean destinados en comisión de servizos, liberados sindicais, etc., referirse ao período docente anterior ao destino en comisión de servizos.

3. O resultado deste informe traducirase nunha valoración global de 0 a 1 punto, segundo se especifica no número 2.2 do anexo III.

#### Artigo 8º.-Comisión de selección.

1. A selección das persoas candidatas realizaraa unha comisión integrada polos seguintes membros:

-Presidencia: a directora xeral de Ordenación e Innovación Educativa, ou persoa en quen delegue.

-Vogais: ata un máximo de catro, con categoría de subdirector xeral, xefe de servizo ou membro da Inspección educativa.

-Secretaría: unha persoa funcionaria da Consellería de Educación e Ordenación Universitaria, que actuará con voz e sen voto.

Os sindicatos integrantes da mesa sectorial de persoal docente non universitario poderán nomear unha persoa representante para asistir ás sesións da comisión.

A comisión poderá solicitar a incorporación de asesores ou asesoras especialistas aos seus traballos, limitándose estas persoas a prestaren a súa colaboración.

2. A comisión poderá dispoñer a constitución dunha subcomisión técnica especializada só para os efectos de colaborar na valoración dos méritos previstos nos puntos 2, 3 e 5 do baremo do anexo III.

Ás reunións desta subcomisión poderán asistir representantes das organizacións sindicais con representación na mesa sectorial de persoal docente.

3. Esta comisión estará incluída na categoría que corresponda para os efectos do previsto no artigo 26.2º do Decreto 144/2001, do 7 de xuño.

#### Artigo 9º.-Criterios de selección.

Para as licenzas retribuídas a comisión seleccionadora realizará unha preselección segundo a puntuación obtida conforme o baremo que figura como anexo III desta convocatoria. Para iso, a maiores dos méritos obxectivos, teranse en conta os seguintes criterios prioritarios en función da modalidade elixida.

1. Na modalidade 1 -tese de doutoramento- o criterio prioritario será a súa relación co currículo das áreas ou materias de todas as etapas educativas. Excluiranse automaticamente aquelas teses de doutoramento que non se atopen na fase final da súa elaboración.

2. Nas modalidades 2, 3 e 4 -primeira licenciatura, enxeñaría ou arquitectura; primeira diplomatura, enxeñaría técnica, arquitectura técnica; segunda

licenciatura, enxeñaría ou arquitectura- excluíranse as persoas solicitantes que no momento de presentar a documentación:

a) Teñan só pendente unha ou dúas materias para rematar a licenciatura, enxeñaría, arquitectura ou estudos equivalentes; primeira diplomatura, enxeñaría técnica, arquitectura técnica ou estudos equivalentes.

b) Teñan pendente, para rematar, ademais dun curso completo (ou número equivalente de materias) outras tres ou máis materias.

Para estes efectos consideraranse superadas todas as materias de que a persoa solicitante estea matriculada no momento de presentar a documentación ata un máximo dun curso completo.

Considerarase como unha materia aquela que ten a duración dun curso académico ou entre doce e quince créditos. A comisión poderá facer as equivalencias pertinentes segundo a duración deles.

3. Na modalidade 5 -proyectos-, estes centraranse en traballos de investigación directamente relacionados co ámbito de traballo docente das persoas solicitantes e coas necesidades do sistema educativo, tendo en conta o seguinte:

a) Realizaranse, preferentemente, sobre algún dos seguintes ámbitos:

-Elaboración de materiais curriculares relacionados coas distintas áreas e materias do currículo.

-Elaboración de materiais curriculares ou recursos educativos para favorecer a integración do alumnado inmigrante.

-Elaboración de recursos educativos multimedia interactivos.

-Elaboración de materiais curriculares que contribúan á utilización da lingua galega no ensino.

-Atención á diversidade.

-Orientación educativa, psicopedagóxica e profesional.

-Mellora da calidade da educación.

-Dirección e organización dos centros docentes.

-Aplicación das tecnoloxías da información e da comunicación ás áreas, materias e módulos do currículo.

-Mellora da competencia comunicativa nas linguas estranxeiras.

b) As licenzas de proxectos para os funcionarios dos corpos de inspectores poderán centrarse, ademais dos temas referidos anteriormente, en temas relacionados coas funcións da Inspección educativa.

c) No caso de que o proxecto de investigación ou innovación, nesta modalidade, sexa realizado por un equipo só poderá dispoñer de licenza retribuída a persoa que o coordine.

d) A comisión poderá convocar as persoas interesadas para a realización dunha entrevista.

4. Na modalidade 6, os grupos de traballo estarán integrados por dúas persoas docentes con independencia do corpo o que pertencen e, xa que logo, deberán solicitar o mesmo cuadrimestre para o desenvolvemento do traballo.

Na modalidade 6A -grupos de traballo para elaboración de materiais curriculares-, os proxectos centraranse na elaboración de materiais curriculares relacionados coas distintas áreas e materias do currículo.

Na modalidade 6B -grupos de traballo para elaboración de materiais relacionados cos plans de convivencia-, os proxectos versarán sobre a dinamización e posta en práctica de plans de convivencia.

5. Na modalidade 7 -perfeccionamento en linguas estranxeiras no exterior-, de dous meses de duración, dirixida ao profesorado de linguas estranxeiras ou que imparta algunha materia nun idioma estranxeiro, o proxecto centrarase na presentación do plan de perfeccionamento da lingua para desenvolver durante o período da licenza.

6. En caso de empate, este dirimirase atendendo sucesivamente aos seguintes criterios:

a) Maior puntuación no apartado 1 do baremo.

b) Maior puntuación no apartado 2 do baremo.

c) Maior puntuación no apartado 3 do baremo.

7. No caso de se produciren vacantes nalgunha das modalidades ofertadas, poderán acumularse a outras modalidades, atendendo aos criterios seguintes criterios:

a) No corpo de mestres as vacantes da modalidade 1 poderán acumularse á modalidade 2 e viceversa.

b) Para os corpos de inspectores, as vacantes poderán acumularse entre as modalidades 4 e 5 e viceversa.

c) Para o resto dos corpos poderán acumularse entres si as vacantes das modalidades 1, 2 e 3 e viceversa; e, por outra parte, as vacantes das modalidades 4 e 5 e viceversa.

8. En ningún caso poderá excederse o número total de licenzas retribuídas establecido coa distribución indicada no anexo I.

Artigo 10º.-Resolución provisoria.

1. A relación das persoas preseleccionadas, tanto para as licenzas retribuídas como non retribuídas, farase pública nos taboleiros de anuncios da Consellería de Educación e Ordenación Universitaria e das delegacións provinciais, así como no portal educativo da Consellería de Educación e Ordenación Universitaria ([www.edu.xunta.es](http://www.edu.xunta.es)) na internet, abríndose un prazo de dez días naturais para efectuar reclamacións ante a presidenta da comisión. Transcorrido este prazo, e unha vez resoltas as reclamacións, a comisión seleccionadora remitiralle á conselleira de Educación e Ordenación Universitaria a proposta de resolución da concesión de licenzas por estudos, xunto coa acta ou actas definitivas, nas cales se indicarán as valoracións outorgadas a cada unha das persoas candidatas, así como a relación final de seleccionados para as licenzas retribuídas; engadirase á acta unha lista coas persoas beneficiarias das licenzas non retribuídas.

2. No mesmo prazo establecido no parágrafo anterior, poderán presentarse renuncias á concesión das licenzas por estudos perante a mencionada comisión seleccionadora.

#### Artigo 11º.-Resolución definitiva.

1. A Consellería de Educación e Ordenación Universitaria publicará a resolución definitiva de licenzas por estudos no seu portal educativo ([www.edu.xunta.es](http://www.edu.xunta.es)) na internet e no *Diario Oficial de Galicia*, expedindo, así mesmo, as credenciais singulares correspondentes.

2. Unha vez resolta esta convocatoria non se admitirán renuncias ás licenzas concedidas, agás casos de excepcional gravidade e libremente apreciados pola Consellería de Educación e Ordenación Universitaria.

3. Contra esta resolución as persoas interesadas poderán interpoñer recurso potestativo de reposición perante a conselleira de Educación e Ordenación Universitaria no prazo dun mes contado a partir do día seguinte ao da súa publicación no DOG, segundo o disposto nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben directamente o recurso contencioso-administrativo no prazo de dous meses perante o Tribunal Superior de Xustiza de Galicia.

4. No caso de que un ou unha docente ocupe un posto en réxime de comisión de servizos, a Consellería de Educación e Ordenación Universitaria decidirá a posibilidade de concesión da licenza en función das necesidades do servizo.

5. As solicitudes consideraranse desestimadas de non quedar resolta a convocatoria no prazo de seis meses desde a data de publicación desta orde.

#### Artigo 12º.-Períodos de duración das licenzas retribuídas por estudos.

1. O período improrrogable de duración das licenzas dun curso completo será, como máximo, do 1 de setembro de 2007 ao 31 de agosto de 2008, para o profesorado de educación infantil e de educación primaria, e desde o 15 de setembro de 2007 ao 14 de setembro de 2008, para os corpos do profesorado de ensino secundario, mestres impartan docencia no primeiro ciclo da educación secundaria obrigatoria, ensinos do réxime especial e inspectores.

2. Nas licenzas cuadrimestrais das modalidades 4, 5 e 6, a duración dos cuadrimestres establécese do seguinte xeito:

a) Para o profesorado de educación infantil e de educación primaria:

-Primeiro cuadrimestre: do 1 de setembro de 2007 ao 31 de decembro de 2007.

-Segundo cuadrimestre: do 1 de marzo de 2008 ao 30 de xuño de 2008.

b) Para o profesorado que imparta docencia no ensino secundario e nas ensinanzas de réxime especial:

-Primeiro cuadrimestre: do 15 de setembro de 2007 ao 14 de xaneiro de 2008.

-Segundo cuadrimestre: do 1 de marzo de 2008 ao 30 de xuño de 2008.

c) Para funcionarios dos corpos de inspección:

-Segundo cuadrimestre: do 1 de marzo de 2008 ao 30 de xuño de 2008.

3. Nas licenzas bimensuais da modalidade 7, o período de goce da licenza, sempre dentro dos límites que

marca o punto 1 deste artigo, escollerao o solicitante e deberá ser continuado.

#### Artigo 13º.-Obrigas dos beneficiarios.

Ao longo do período de licenzas por estudos, as persoas beneficiarias das licenzas retribuídas asumen a obriga de presentar perante o Servizo de Formación do Profesorado da Dirección Xeral de Ordenación e Innovación Educativa da Consellería de Educación e Ordenación Universitaria a seguinte documentación:

1. Para a modalidade 1, enviarase entre o 16 e o 31 de marzo de 2008 un resumo das partes do traballo realizado ata esa data.

2. Para as modalidades 2, 3 e 4, enviarase:

a) Durante os meses de outubro e novembro de 2007, orixinal ou fotocopia compulsada do xustificante da matrícula no centro en que se realizarán os estudos e do pagamento das taxas desta.

b) Para as modalidades 2 e 3, certificado de asistencia ás clases feito por cada profesor ou profesora referido ata o 15 de marzo de 2008, que se remitirá entre o 16 e o 31 do dito mes, ou declaración xurada de non ter clases presenciais, se é o caso.

c) No caso da modalidade 4, ao ser cuadrimestral, certificado de asistencia ás clases, feito por cada profesor ou profesora, ou declaración xurada de non ter clases presenciais, sé o caso, que se enviará do 1 ao 8 do terceiro mes en que se goce a licenza.

3. Para as modalidades 5 e 6 enviarase, do 1 ao 8 do terceiro mes en que se goce a licenza, un resumo da parte do traballo realizados ata esa data.

Unha vez rematada a licenza por estudos, no prazo de dous meses, contados desde a finalización do período da licenza por estudos, e como documentación xustificativa dela, enviarase, segundo a modalidade, a seguinte documentación:

1. Para a modalidade 1: orixinal ou fotocopia compulsada do xustificante de ter depositada a tese para a súa lectura.

2. Para as modalidades 2, 3 e 4: certificación académica orixinal ou fotocopia compulsada dos estudos realizados. Nestas modalidades, o referente para o prazo de presentación será o remate do curso académico.

3. Para as modalidades 5 e 6: un orixinal en soporte papel da memoria do proxecto realizado e unha versión electrónica preparada para a súa posible publicación na internet. Para isto último, deberanse seguir as recomendacións da guía de boas prácticas de publicación web dispoñible na parte de contidos do portal educativo, no enderezo electrónico: [http://www.edu.xunta.es/contidos/guia\\_boas\\_practicas](http://www.edu.xunta.es/contidos/guia_boas_practicas), especialmente no referente ao tratamento das imaxes e ao tamaño dos ficheiros.

4. Para a modalidade 7: certificación orixinal ou fotocopia compulsada expedida polo centro ou institución onde realizou o perfeccionamento na lingua estranxeira, con expresión do título, contidos, datas e duración en horas da formación recibida, así como unha tradución da dita certificación.

Unha vez rematado o prazo de presentación da documentación xustificativa das licenzas, reunirase a comi-

sión para facer a avaliación destas. O resultado acadado comunicaráse aos interesados por escrito.

Artigo 14º. Situación administrativa dos beneficiarios.

Durante o tempo de duración da licenza por estudos os docentes seleccionados recibirán os emolumentos correspondentes ás súas retribucións básicas e complementarias, agás no caso das licenzas non retribuídas.

As persoas beneficiarias dunha licenza por estudos consideraranse, para todos os efectos, en situación de servizo activo. O profesorado beneficiario de licenza sen retribución deberá aboar as cotizacións correspondentes ao funcionario e á Administración.

Artigo 15º.-Incompatibilidades.

A concesión de licenzas por estudos con retribución implicará a incompatibilidade con calquera outra actividade pública ou privada, excepto para aquelas persoas funcionarias docentes que teñan concedida unha compatibilidade con anterioridade á publicación desta orde. A concesión dunha licenza non retribuída admitirá simultaneidade con outras axudas económicas.

Artigo 16º.-Responsabilidades por incumprimento.

O incumprimento do disposto nesta convocatoria poderá dar lugar á rescisión da licenza por estudos ou á incursión en responsabilidades disciplinarias de acordo co vixente Regulamento do réxime disciplinario dos funcionarios da Administración da Comunidade Autónoma de Galicia.

Artigo 17º.-Seguimento.

A Dirección Xeral de Ordenación e Innovación Educativa efectuará o adecuado seguimento e control dos estudos e traballos que se realicen durante o período da licenza, e poderá solicitar directamente, a través de entrevista, ou por medio da Inspección educativa, información sobre o traballo realizado e sobre o que queda pendente, de tal xeito que o incumprimento do establecido no proxecto inicial poida dar lugar á rescisión da licenza.

1. A Consellería de Educación e Ordenación Universitaria disporá das memorias e dos traballos realizados de acordo coa lexislación vixente sobre propiedade intelectual.

2. Os autores e autoras, para poderen publicar pola súa conta os devanditos traballos, deberán solicitar e contar coa autorización previa da Dirección Xeral de Ordenación e Innovación Educativa, facendo constar na correspondente publicación que o traballo foi realizado durante unha licenza por estudos retribuída pola Consellería de Educación e Ordenación Universitaria. Esta mención figurará tanto no caso de que a publicación do traballo sexa total como parcial.

3. Co fin de que as investigacións poidan ser coñecidas polo profesorado, para contribuír á mellora do ensino, os traballos que considere de especial interese a comisión de avaliación poderán ser difundidos pola Consellería de Educación e Ordenación Universitaria.

Artigo 18º.-Retirada de documentación.

Unha vez transcorridos tres meses desde a data de publicación da resolución definitiva no *Diario Oficial de Galicia*, as persoas interesadas, ou os seus representantes legais, disporán dun prazo de seis meses para poder retirar a documentación ante a presidenta da comisión. Unha vez transcorrido o dito prazo, entenderase que renuncian á súa devolución.

Artigo 19º.-Réxime dos recursos.

Contra esta orde as persoas interesadas poderán interpoñer recurso potestativo de reposición perante a conselleira de Educación e Ordenación Universitaria no prazo dun mes contado a partir do día seguinte ao da súa publicación no DOG, segundo o disposto nos artigos 116 e 117 da Lei 30/1992, de 26 de novembro, de réxime xurídico das administracións públicas e do procedemento administrativo común, ou ben directamente recurso contencioso-administrativo no prazo de dous meses perante o Tribunal Superior de Xustiza de Galicia.

#### *Disposicións derradeiras*

Primeira.-Autorízase a Dirección Xeral de Ordenación e Innovación Educativa para ditar as instrucións necesarias para a aplicación e desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 5 de marzo de 2007.

Laura Sánchez Piñón

Conselleira de Educación e Ordenación Universitaria

### ANEXO I

Distribución das licenzas por estudos retribuídas que se convocan para o curso 2007-2008 segundo as modalidades e corpos ou escalas do profesorado:

Modalidades	Todos os corpos agás maestres e inspectores	Corpo de mestres	Corpos de inspectores	Todos os corpos
1. Tesis de doutoramento (curso completo)	8	4	1	
2. Primeira licenciatura, enxeñaría, arquitectura ou estudos equivalentes (curso completo)	5	25	-	
3. Primeira diplomatura, enxeñaría técnica, arquitectura técnica ou estudos equivalentes (curso completo)	5	-	-	
4. Segunda licenciatura, enxeñaría, arquitectura ou estudos equivalentes (cuadrimestral)	10	-	1	
5. Proxectos (cuadrimestral)	60	50	1	
6A. Grupos de traballo para elaboración de materiais curriculares (cuadrimestral)				4
6B. Grupos de traballo para elaboración de materiais relacionados con plans de convivencia (cuadrimestral)				2
7. Perfeccionamento en linguas estranxeiras (bimensual)	10	10		
Totais	98	89	3	6



**XUNTA DE GALICIA**  
**CONSELLERÍA DE EDUCACIÓN**  
**E ORDENACIÓN UNIVERSITARIA**

*ANEXO II*

PROCEDEMENTO <b>SOLICITUDE DE LICENZA POR ESTUDOS, CURSO 2007-2008</b>	CÓDIGO DO PROCEDEMENTO <b>ED305B</b>	DOCUMENTO <b>SOLICITUDE</b>
---	---	--------------------------------

PRIMEIRO APELIDO	SEGUNDO APELIDO	NOME

**SOLICITA:**

Que lle sexa concedida unha licenza por estudos nas condicións que se sinalan a seguir.

<input type="checkbox"/> A) Sen retribución: período solicitado: <input type="text"/>  <input type="checkbox"/> B) Retribuída na modalidade que se sinala: <input type="checkbox"/> 1. Tese de doutoramento (curso completo). <input type="checkbox"/> 2. Primeira licenciatura, enxeñaría, arquitectura ou estudos equivalentes (curso completo). <input type="checkbox"/> 3. Primeira diplomatura, enxeñaría, arquitectura técnica ou estudos equivalentes (curso completo). <input type="checkbox"/> 4. Segunda licenciatura, enxeñaría, arquitectura ou estudos equivalentes (cuadrimetral). <input type="checkbox"/> 5. Proxectos (cuadrimetral). <input type="checkbox"/> 6A. Grupos traballo materiais curriculares (cuadrimetral). <input type="checkbox"/> 6B. Grupos traballo plans de convivencia (cuadrimetral). <input type="checkbox"/> 7. Perfeccionamento linguas estranxeiras no exterior (bimensual).  <p style="text-align: center;"><i>Sínalese cun (X) a que solicita</i></p>	<p><b>CORPO OU ESCALA DO SOLICITANTE</b></p> <input type="checkbox"/> Mestres. <input type="checkbox"/> Profesores de ensino secundario. <input type="checkbox"/> Catedráticos de ensino secundario. <input type="checkbox"/> Profesores técnicos de formación profesional. <input type="checkbox"/> Mestres de taller de artes plásticas e deseño. <input type="checkbox"/> Profesores de artes plásticas e deseño. <input type="checkbox"/> Catedráticos de artes plásticas e deseño. <input type="checkbox"/> Catedráticos de música e artes escénicas. <input type="checkbox"/> Profesores de música e artes escénicas. <input type="checkbox"/> Profesores de escolas oficiais de idiomas. <input type="checkbox"/> Catedráticos das escolas oficiais de idiomas. <input type="checkbox"/> Corpos e escalas docentes declaradas para extinguir. <input type="checkbox"/> Inspectores de Educación e inspectores ao servizo da Administración educativa.  <p style="text-align: center;"><i>Sínalese cun (X) o que proceda</i></p>
--	--

**DATOS PROFESIONAIS**

DISCIPLINA, MATERIA, ÁREA	NRP
CÓDIGO DO CENTRO (8 DÍXITOS)	TELÉFONO
ENDEREZO DE CORREO ELECTRÓNICO CORPORATIVO	

**DATOS PERSOAIS**

DNI	TELÉFONO (PREFERIBLEMENTE MÓBIL)	ENDEREZO PARTICULAR
CÓDIGO POSTAL	LOCALIDADE	PROVINCIA

¿Solicitou comisión de servizos para o curso 2007-2008?  SI  NON

¿É beneficiario/a doutra axuda ou de bolsa outorgada por organismo oficial para realizar o proxecto de estudos ou traballo?  SI  NON

¿Gozou con anterioridade dunha licenza por estudos outorgada pola Consellería de Educación e Ordenación Universitaria?  NON  SI Ano

Período para o que solicita a licenza por estudos retribuída: do  ao

No caso dos funcionarios do corpo de inspectores de Educación, indícarase a materia ou área correspondente ao seu exercicio como docente. No lugar do centro indícarán o servizo de destino e a sede.

<p>LEXISLACIÓN APLICABLE</p> <p><i>Orde do 5 de marzo de 2007 pola que se convocan licenzas por estudos para o curso 2007-2008 destinadas a funcionarios docentes non universitarios e se aproban as súas bases de concesión.</i></p> <p>SINATURA DO/DA SOLICITANTE OU PERSOA QUE O/A REPRESENTA</p>	<p>(Para cubrir pola Administración)</p> <table border="1"> <tr> <td>RECIBIDO</td> <td>NÚMERO DE EXPEDIENTE</td> </tr> <tr> <td></td> <td></td> </tr> <tr> <td>REVISADO E CONFORME</td> <td>DATA DE ENTRADA</td> </tr> <tr> <td></td> <td>____/____/____</td> </tr> <tr> <td></td> <td>DATA DE EFECTOS</td> </tr> <tr> <td></td> <td>____/____/____</td> </tr> <tr> <td></td> <td>DATA DE SAÍDA</td> </tr> <tr> <td></td> <td>____/____/____</td> </tr> </table>	RECIBIDO	NÚMERO DE EXPEDIENTE			REVISADO E CONFORME	DATA DE ENTRADA		____/____/____		DATA DE EFECTOS		____/____/____		DATA DE SAÍDA		____/____/____
RECIBIDO	NÚMERO DE EXPEDIENTE																
REVISADO E CONFORME	DATA DE ENTRADA																
	____/____/____																
	DATA DE EFECTOS																
	____/____/____																
	DATA DE SAÍDA																
	____/____/____																

## ANEXO III

Méritos	Puntos por curso ou actividade	Total puntos máximo	Documentos
<p><b>1. Proxecto de estudos ou traballo.</b></p> <p>1.1 Para as modalidades 1,5, 6 e 7, polo interese que ofrezca para mellorar a calidade do ensino. Será necesario acadar un mínimo de 4 puntos.</p> <p>1.2 Para as modalidades 2, 3 e 4 a puntuación outorgarase do seguinte xeito:</p> <ul style="list-style-type: none"> <li>-Curso completo ou número de materias equivalente. 7</li> <li>-Curso completo ou número de materias equivalente menos outra materia. 6</li> <li>-Curso completo ou número de materias equivalente máis outra materia. 5,5</li> <li>-Curso completo ou número de materias equivalente menos dúas materias. 5</li> <li>-Curso completo ou número de materias equivalente máis dúas materias. 4,5</li> <li>-Curso completo ou número de materias equivalente menos tres materias. 4</li> </ul> <p>Nota. A media entre 12 e 15 créditos é 13.50, que é o que se considera unha materia, de duración dun curso académico, tendo en conta o artigo 11.2 da orde de convocatoria. A suma do número de créditos dividido entre 13.50, dá o número de materias.</p>			O solicitado para cada modalidade no anexo IV
<p><b>2. Méritos docentes:</b></p> <p>2.1. Servizos docentes.</p> <p>2.1.1. Por cada ano de servizos na función pública docente (non se computarán os exixidos como requisito): .....</p> <p>2.1.2. Por cada ano de servizos coa condición de catedrático adquirida: .....</p> <p>2.1.3. Por cada ano de servizos como funcionario dos corpos de inspección: .....</p> <p>2.2. Informe do Servizo de Inspección de Educación. Ata: .....</p>	<p>1 punto por ano completo</p> <p>0,20 puntos por ano completo</p> <p>0,50 puntos por ano</p>	<p>Por estes tres subepígrafes ata 10 puntos</p> <p>1</p>	
<p><b>3. Actividades de formación permanente organizadas ou homologadas polas administracións educativas, así como as organizadas polas universidades:</b></p> <p>3.1. Coordinación e/ou docencia en actividades de formación do profesorado relacionadas coa súa especialidade: .....</p> <p>Nota. Para os títulos de prácticas de mestres, do ICE e das universidades (prácticas de psicopedagogía ou similar) puntuarase 0,10 puntos por cada ano.....</p> <p>3.2. Por asistencia a actividades de formación do profesorado ...</p> <p>3.3. Participación en programas europeos: .....</p>	<p>Ata 25 h..... 0,05 p</p> <p>de 26 a 50 h..... 0,10 p</p> <p>de 51 a 100 h ..... 0,15 p</p> <p>máis 100 h ..... 0,20 p</p> <p>Ata 25 horas..... 0,05 p</p> <p>de 26 a 50 h ..... 0,10 p</p> <p>de 51 a 100 h ..... 0,15 p</p> <p>máis 100 h ..... 0,20 p</p> <p>0,25 puntos</p>	<p>2</p> <p>4</p> <p>1</p>	Fotocopias compulsadas das certificacións acreditativas.
<p><b>4. Publicacións sobre a materia ou especialidade de ensinanzas:</b></p> <p>.....</p> <p>Nota. puntuación de cada publicación divídese polo número de persoas autoras.</p>	<p>Por libro:</p> <p>Non especializado ... 0,50 p</p> <p>Especializado ..... 1 p</p> <p>Artigo en revista:</p> <p>Non especializada ... 0,15 p</p> <p>Especializada ..... 0,25 p</p> <p>Vídeo, cassette, disquete, CD, DVD, pintura, partitura:</p> <p>Non especializado ... 0,25 p</p> <p>Especializado ..... 0,50 p</p>	<p>2</p> <p>2</p> <p>2</p>	<p>Exemplares orixinais ou fotocopias compulsadas da totalidade do traballo, en que conste o ISBN se son libros ou ISSN se son revistas.</p> <p>As publicacións en soporte audiovisual ou informático tamén deberán ter ISBN.</p>
<p><b>5. Méritos académicos:</b></p> <p>5.1. Título de doutor.....</p> <p>5.2. Para funcionarios do corpo de mestres: título de licenciado: ....</p> <p>5.3. Outros estudos de posgrao (DEA ou equivalente, títulos propios da universidade, mestrados, etc.) relacionados coa especialidade: .....</p>	<p>2 puntos</p> <p>2 puntos</p> <p>0,25 puntos</p>	<p>4</p> <p>4</p> <p>1</p>	Fotocopias compulsadas de títulos ou certificación de estudos, se é o caso.

## ANEXO IV

Esquema do contido do proxecto de licenza por estudos e da documentación complementaria, segundo o caso.

Modalidade:

1. Tese:

1.1. Título da tese.

1.2. Certificación académica orixinal ou fotocopia compulsada de estar en posesión do diploma de estudos avanzados (DEA) ou equivalente.

1.3. Certificación orixinal ou fotocopia compulsada do departamento en que estea inscrita a tese.

1.4. Traballo xa realizado.

1.5. Traballo que realizará durante o período da licenza.

1.6. Informe da persoa que a dirixe, segundo o modelo do anexo VII, no cal se especifique a data do comezo do traballo e que este se atopa na fase final da súa elaboración.

2. Primeira licenciatura, enxeñaría, arquitectura ou estudos equivalentes.

2.1. Escrito en que se especifique claramente as materias que lle faltan para obter a licenciatura, enxeñaría, arquitectura ou estudos equivalentes, concretando a que curso pertencen.

2.2. Certificación académica orixinal do curso 2006-2007 dos estudos realizados ata a data, correspondentes á licenciatura, enxeñaría, arquitectura ou estudos equivalentes que solicita, na cal conste, se é o caso, as materias en que estea matriculado no curso 2006-2007.

2.3. Fotocopia do plan de estudos que está a seguir.

2.4. Centro en que proxecta realizar os estudos: nome, enderezo, localidade, provincia, país e teléfono.

2.5. Promesa ou declaración xurada de non ter previamente unha titulación equivalente ou superior.

3. Primeira diplomatura, enxeñaría técnica, arquitectura técnica ou estudos equivalentes:

3.1. Escrito en que se especifique claramente as materias que lle faltan para obter a diplomatura, enxeñaría técnica, arquitectura técnica ou estudos equivalentes, concretando a que curso pertencen.

3.2. Certificación académica orixinal do curso 2006-2007 dos estudos realizados ata a data, correspondentes á diplomatura, enxeñaría técnica, arquitectura técnica ou estudos equivalentes que solicita, na cal conste, se é o caso, as materias en que estea matriculado no curso 2006-2007.

3.3. Fotocopia do plan de estudos que está a seguir.

3.4. Centro en que proxecta realizar os estudos: nome, enderezo, localidade, provincia, país e teléfono.

3.5. Promesa ou declaración xurada de non ter previamente unha titulación equivalente ou superior.

4. Segunda licenciatura, enxeñaría, arquitectura ou estudos equivalentes:

4.1. Escrito en que se especifique claramente as materias que lle faltan para obter a licenciatura, enxeñaría, arquitectura ou estudos equivalentes, concretando a que curso pertencen.

4.2. Certificación académica orixinal do curso 2006-2007, dos estudos realizados ata a data, correspondentes á licenciatura, enxeñaría, arquitectura ou estudos equivalentes que solicita, na cal conste, se é o caso, as materias en que estea matriculado no curso 2006-2007.

4.3. Fotocopia do plan de estudos que está a seguir.

4.4. Centro en que proxecta realizar os estudos: nome, enderezo, localidade, provincia, país e teléfono.

4.5. Especificar claramente o cuadrimestre que se prefire; de non facelo adxudicáraselle automaticamente o primeiro.

5. Proxectos:

5.1. Presentarase un proxecto sobre o estudo que se vaia realizar durante o período da licenza en que os profesores concretarán o traballo que van iniciar, determinando os aspectos do deseño e, de xeito especial, como serán levadas a cabo as fases de posta en práctica e avaliación.

Neste proxecto, que poderá ser tanto de carácter organizativo como curricular, farase constar:

a) Título do proxecto.

b) Participante/s. Datos persoais e profesionais.

c) Deseño do traballo que se vai realizar:

-Xustificación baseada no contexto.

-Obxectivos.

-Contidos.

-Metodoloxía.

-Temporalización.

-Recursos.

-Organización de responsabilidades e tarefas para a posta en marcha.

-Síntese do proceso de avaliación.

Se se tratar de elaboración de materiais e non for posible contrastalos na aula, especificaríanse as condicións para a súa aplicación. No caso de que xa exista un traballo persoal (ou de equipo) previo, en relación co proxecto que se presenta, engadirase un breve resumo das realizacións previas, indicándose a fase en que se atopa e desenvolveranse o resto dos aspectos.

d) Mención explícita á relación co traballo de aula ou coa organización do centro, se é o caso.

e) Bibliografía e/ou referencias anteriores á temática do traballo.

Os traballos ou investigacións que supoñan unha actuación en centros docentes ou noutras institucións públicas ou privadas, xuntarán certificado de conformidade da dirección do/s centro/s co visto e prace da Inspección educativa ou autorización das persoas responsables das institucións, se é o caso.

O proxecto terá unha extensión máxima de 20 páxinas en papel tamaño DIN-A4, a dobre espazo e cunha letra de 12 puntos.

Deberase especificar claramente o cuadrimestre que se prefire; de non facelo adxudicáraselle automaticamente o primeiro.

#### 6. Grupos de traballo:

6.1. Tanto para a modalidade 6.A -grupos de traballo para elaboración de materias curriculares-, como para a modalidade 6.B -grupos de traballo para elaboración de materias relacionadas cos plans de convivencia-, presentarase un proxecto sobre o traballo que se vaia realizar durante o período da licenza en que se concretará, de xeito especial, como serán levadas a cabo as fases de posta en práctica e avaliación. Neste proxecto, farase constar:

a) Título do proxecto.

b) Persoas participantes. Datos persoais e profesionais. Só un dos compoñentes constará na solicitude do anexo II e será a persoa de referencia para a Administración educativa. Non obstante, como parte da documentación que se vai entregar, será imprescindible facer constar os datos persoais e profesionais correspondentes ao segundo membro do grupo de traballo.

c) Deseño do traballo que se vai realizar:

-Xustificación baseada no contexto.

-Obxectivos.

-Contidos.

-Metodoloxía.

-Temporalización.

-Recursos.

-Organización de responsabilidades e tarefas para a posta en marcha.

-Síntese do proceso de avaliación.

d) Mención explícita á relación co traballo de aula.

e) Bibliografía e/ou referencias anteriores á temática do traballo.

Os traballos ou investigacións que supoñan unha actuación en centros docentes ou noutras institucións públicas ou privadas xuntarán certificado de conformidade da dirección do/s centro/s co visto e prace da Inspección educativa, ou autorización das persoas responsables das institucións, se é o caso.

O proxecto terá unha extensión máxima de 20 páxinas en papel tamaño DIN-A4, a dobre espazo e cunha letra de 12 puntos.

Deberase especificar claramente o cuadrimestre que se prefire; de non facelo adxudicáraselle automaticamente o primeiro.

7. Perfeccionamento en linguas estranxeiras no exterior.

7.1. Certificación en que se faga constar o idioma que está a impartir o solicitante expedida polo director ou polo secretario do centro educativo.

7.2. O proxecto consistirá na exposición do plan de perfeccionamento que pretende emprender con base na lingua estranxeira que imparte, con expresión de, polo menos:

a) País onde se levará a cabo. Enténdese que o país escollido deberá ter como lingua oficial aquela que imparte o solicitante.

b) Centro ou institución onde recibirá a formación, indicando o enderezo.

c) Denominación da formación que vai recibir, nivel académico e a súa duración expresada en días e cómputo total de horas.

d) Calquera outros aspectos que se consideren salientables para unha mellor valoración do plano.

#### ANEXO V

##### Modelo de informe

##### Curso 2007-2008

Servizo de Inspección da Delegación Provincial da Consellería de Educación e Ordenación Universitaria

Don/Dona .....  
 Corpo.....  
 NRP .....DNI.....  
 Sede de destino.....Teléfono.....  
 Localidade.....Provincia.....

a) Organización da súa actividade docente:

b) Participación no funcionamento do centro:

c) Participación en programas educativos de innovación:

Total da valoración outorgada (de 0 a 1 puntos):

En....., .....de ..... de 2007.

O/a inspector/a

Visto e prace

O delegado provincial

#### ANEXO VI

Modelo de informe para inspectores e inspectoras

Curso 2007-2008

Subdirección Xeral de Inspección, Avaliación e Calidade do Sistema Educativo da Consellería de Educación e Ordenación Universitaria

Don/Dona .....  
 Corpo.....  
 NRP .....DNI.....

Sede de destino .....Teléfono.....

Localidade.....Provincia.....

a) Función de avaliación:

b) Función de asesoramento e información:

c) Función de control:

d) Colaboración na formación permanente do profesorado:

Total da valoración outorgada (de 0 a 1 puntos):

En....., .....de ..... de 2007.

O subdirector xeral de Inspección, Avaliación e Calidade do Sistema Educativo

Visto e praxe

A directora xeral de Ordenación e Innovación Educativa

### ANEXO VII

#### Modelo de informe Curso 2007-2008

Director/a da tese de doutoramento.

Don/a., director/a da tese de doutoramento., presentada por Don/a....., informa do seguinte:

a) O traballo de investigación comezou con data de .....

b) Nestes momentos o traballo atópase na fase final da súa elaboración.

c) A presentación da tese para a súa defensa terá lugar, previsiblemente, antes do (1) ..... de... de 2008.

E para que conste, para os efectos de solicitude dunha licenza por estudos, asino esta certificación en ....., ..... de ..... de 2007.

(Sinatura)

(1) 31 de agosto de 2008, para o profesorado de educación infantil e primaria;

14 de setembro de 2008, para o profesorado de ensino secundario, mestres que impartan docencia no primeiro ciclo da educación secundaria obrigatoria, ensino de réxime especial e inspectores.

*Resolución do 21 de febrero de 2007, da Dirección Xeral de Formación Profesional e Ensinanzas Especiais, pola que se regula o desenvolvemento dos programas de garantía social en centros públicos da Comunidade Autónoma de Galicia para o curso 2007-2008.*

A Orde do 5 de maio de 1997 (*Diario Oficial de Galicia* do 29 de maio) regula os programas de garantía social na Comunidade Autónoma de Galicia, coa finalidade de facilitar a reinserción no sistema educativo da xente nova ou ben posibilitar o principio constitucional de acceso a un posto de traballo nas mellores condicións posibles para aqueles que decidan incorporarse á vida activa.

O Plan galego de formación profesional refírese aos programas de garantía social no seu punto 6.2.4 ao propor un plan de reforzo da implantación destes programas.

Deste modo, coa oferta postobrigatoria e profesionalizadora que constitúen os programas de garantía social, o principio educativo de extensión do dereito á educación adquire un maior significado. O seu exercicio en condicións crecentes de calidade é un instrumento para evitar a desigualdade, xa que lle ofrece a este alumnado unha resposta específica que contribúe a potenciar a súa madureza, así como a lograr a autonomía necesaria para operar no seu medio e a adquirir as aprendizaxes básicas. É pois unha medida máis de compensación da situación de desvantaxe e de desigualdade de oportunidades que cómpre desenvolver co fin de evitar a discriminación derivada de factores sociais, culturais, económicos, étnicos ou doutra índole, que lle impide a un determinado alumnado acceder ao ensino en condicións de igualdade.

En virtude do punto décimo terceiro da citada Orde do 5 de maio de 1997, e coa finalidade de desenvolver aqueles aspectos que a completen e permitan levar a cabo os programas de garantía social durante o curso 2007-2008, esta dirección xeral

#### RESOLVE:

Primeiro.-Destinatarios.

Poderán acceder aos programas de garantía social as persoas menores de 21 anos que, polo menos, cumpran 16 anos no ano natural en que inicien o programa e se atopen nalgunha das seguintes condicións:

a) Estaren escolarizadas no segundo ciclo da educación secundaria obrigatoria e, tendo accedido a un programa de diversificación curricular, a xuízo do equipo educativo que os atende, non estar en condicións de acadar os obxectivos da etapa por esa vía. Excepcionalmente, tamén poderá acceder o alumnado ao que non lle fose posible cursar un programa de diversificación curricular e se atope, a xuízo do equipo educativo, en grave risco de abandono escolar.

O acceso aos programas de garantía social realizarase logo da avaliación psicopedagóxica, oídos os alumnos ou alumnas e os seus pais ou titores legais.

b) Estaren desescolarizados ou desescolarizadas e non posúen titulación académica superior a do graduado escolar ou, tendo acadada esa titulación, carecer do título de formación profesional de primeiro grao.

c) Teren unha oferta dunha empresa para un contrato de formación.

Aquelas empresas que desexen realizar un contrato de formación a persoas que reúnan os requisitos de acceso aos programas de garantía social recollidos